

**Nicolai Cavssini Trecensis, E Societate Iesv, De Eloqventia  
Sacra Et Hvmana Libri XVI**

**Caussin, Nicolas**

**Coloniae Agrippinae, 1634**

19. Vndecimus, per Correctionem

---

[urn:nbn:de:hbz:466:1-70090](#)

214

amus ex Cicerone, singit enim hoc inter eam accidisse priuato. Biusdem est illud in Catilinam. Serui me hercle mei, si me isto patefacto meruerent, vt te metuant omnes tui, domum meam relinquendam putarem. Collatione exempli, quoties proposito velut simili exemplo efficimus, vt id quod exaggeramus, aut proximum illi, aut par, aut maius etiam videatur; velut Cicero pro Cluentio, cum expoluisset Mileiam quandam à eadem hereditibus pro abortu pecuniam accepisse: Quanto est, inquit, Opianicus in eadē iniuria, maiore supplicio dignus? Siquidem illa cum suo corpori vim attulisset, se ipsam cruciavit: Hic autem idem illud effecit per alieni corporis cruciatum. In hoc genere non solum tota totis, sed etiam partes partibus comparantur, sicut hoc loco pro Milone. An vero, vir amplissimus Scipio, Tiberium Gracchum mediocriter labefactantem temp. priuatus interfecit, Catilinam, orbem terræ cæde atque incendio vastare molientem nos consules perferemus? Hic & Catilina Graccho, & status Reip. orbis terrarum, & mediocris labefactatio cædi & incendijs & vastationi, & priuatus consulibus comparatur. Quæ si quis dilatare velit, plenos per singula locos habear.

## Nonus per eleuationem grauium.

## CAPVT XVII.

**F**it quoties res atrocissimas qualque in summam ipsi extulimus inuidiam, eleuamus consulto, quæ grauiora videantur, quæ sequentia sunt. Quod genus est illud Ciceronis: Leuis sunt hæc in hoc reo. Metum virgarum, nauarchus nobilissimæ ciuitatis precio redemit, humanum est: Atrocissimum quiddam expectetur necesse est: cui hæc quæ sunt atrocia, comparata, humana atque vistata videantur.

## Decimus per congeriem.

## CAPVT XVIII.

**A**mplificamus & congerie verborum & sententiarum, idem significantium, quæ finitima est figuræ orationis, de qua prius dictum est. Vtitur hac M. Tullius in actione pro Ligario. Quid enim tuus ille, Tuber, distriktus in acie Pharsalica gladius agebat? Cuius latus ille mucro petebat? qui tensus erat

armorum tuorum? quæ tua mens? oculi, manus, ardor animi? quid cupiebas? quid oportebas? Hic velut aceruo crevit oratio. Idem fit interim omnibus altius atque altius inturgentibus, vt in hoc exemplo: Aderat ianitor carceris, carnifex prætoris, nōis terrorque sociorum, & ciuium Romanorum lictor Sextius.

## Undecimus per correctionem.

## CAPVT XIX.

**A**mplificamus etiam quasi corrections quadam, vt Cicero in Verrem: Non enim furem sed raptorem, non adulterum, sed expugnatorem pudicitiae, non sacrilegum, sed hostem sacrorum religionumque, non sacrarium, sed crudelissimum carnificem ciuium sociorumque, in vestrum iudicium adduximus.

## Duodecimus per congregatas definitiones.

## CAPVT XX.

**T**ale est illud D. Chrysostomi, vbi crux sic describit: Crux totius beatitudinis causa, discordia, amputatio, pacis firmamentum, bonorum omnium copiosa largitio, salutis indicium, soli iustitiae, spes Christianorum, resurrectio mortuorum, caecorum dux, claudorum baculus, consolatio pauperum, frānum diuitum, euercio superbiorum, triumphus aduersus dæmonias, &c.

De istis definitionibus abunde dixi superius. Item ille amplificandi modus fit per epitheta & aduerbia.

## De delectu locorum, &amp; figurarum, ad amplificationem obiter monitum.

## CAPVT XXI.

**A**tque ne tantum ad criminum, & maleficiorum amplifications tradita ratio pertinere videatur: Si disquisitus enucleare velis, illinc prestantissimarum rerum excellētem gloriam, illinc virtutum decus, illinc viatorum turpitudinem, illinc calamitatum atrocem speciem, illinc admirabilium rerum naturas,